

saopštenje za javnost

povodom održanog 10. BiH Kongresa o transportnoj infrastrukturi i transportu

10. BiH Kongres o transportnoj infrastrukturi i transportu s međunarodnim učešćem, održan je u glavnom gradu BiH **24. i 25. oktobra 2019. godine**, u kongresnom centru hotela Hills.

Kongres, organiziran od strane Udruženja Konsultanata Inženjera BiH okupio je učesnike iz sedam evropskih zemalja (Nizozemska, Slovenija, Hrvatska, Srbija, Crna Gora, Sjeverna Makedonija i BiH).

Ispred **Ministarstva komunikacija i prometa BiH**, koje je ujedno bilo i pokrovitelj ove manifestacije, Kongres je otvorio zamjenik ministra gospodin **Saša Dalipagić**. Na samom otvorenju prisustvovali su i predstavnici ambasada Republike Hrvatske, Srbije, Crne Gore, Italije i Velike Britanije. Gospodin Dalipagić je u svom obraćanju prisutnima naglasio važnost ovakvih skupova gdje se razmjenjuju nova znanja i iskustva koja pomažu da se lakše donose prave odluke kada je razvoj države u pitanju, a posebno kada je riječ o transportnoj infrastrukturi i transportu.

U ime domaćina skupa dobrodošlicu prisutnim učesnicima i gostima poželio je predsjednik **Udruženja Konsultanata Inženjera BiH**, gospodin **Ešref Gaćanin**. Gospodin Gaćanin je najavio i niz aktivnosti koje Udruženje planira realizirati u narednom periodu:

- 2. BiH Kongres o vodama, 07. i 08. novembar 2019. god.,
- Simpozij o planiranju kvaliteta zraka u gradovima, 30. i 31. januar 2020. god.,
- 2. Konferenciju o urbanom planiranju i regionalnom razvoju, septembar 2020. godine,
- Konferenciju SDEWES (Sustainable Development of Energy Water and Environment Systems) 28.06.- 02.07.2020. god.,
- te niz FIDIC (Federation Internationale Des Ingenieurs-Conseils) internacionalnih treninga, o čemu će javnost biti blagovremeno obaviještena.

Ključne teme kojima se ovaj Kongres bavio su: **transportne politike i strateško planiranje, bezbjednost saobraćaja, analize, studije i projekti u domenu transportne infrastrukture i transporta.**

Sponzori ovog skupa bile su kompanije: **Altpro, Adfors, CGS labs, Rasco, Teknoxgroup, Frauscher, BS Telecom Solutions, HT Eronet, SIMM inženjering, TZI i IPSA Institut.**

Kongresu je prisustvovalo **300 učesnika** - eksperata iz razvojnih institucija, univerziteta, institucija domaćih vlasti i vlasti iz regiona, kao i proizvođača opreme i izvođača radova u domenu transportne infrastrukture i transporta.

Naučnostručni savjet kongresa pripremiće zaključke sa ovog događaja do sredine novembra. U cilju širenja znanja i iskustva, ovaj dokument biće dostavljen institucijama na svim nivoima vlasti u našoj zemlji, kao i svim kompanijama, univerzitetima i pojedincima koji su kroz svoj rad povezani sa transportnom infrastrukturom i transportom.

Program Kongresa možete naći na:
<http://www.uki.ba/programkongreskotit>

dio atmosfere sa održanog 10. BiH Kongresa o transportnoj infrastrukturi i transportu



otvorenje Kongresa od strane zamjenika
ministra gospodina **Saše Dalipagića**,
ispred Ministarstva komunikacija i
prometa BiH

dobrodošlica prisutnim učesnicima i gostima od
strane predsjednika Udruženja Konsultanata
Inženjera BiH gospodina **Ešrefa Gačanina**



dio atmosfere sa održanog 10. BiH Kongresa o transportnoj infrastrukturi i transportu

